



Domestic and Family Violence Visa Support

Veika mo vakadeitaka ena nomu visa

O kila na ituvaki ni nomu visa?

O rawa ni raica na ituvaki ni nomu visa ena initaneti ena Visa Entitlement Verification Online (VEVO, Veivakadeitaki ni iTuvaki ni Visa ena Initaneti). Na VEVO ena tukuna na visa e tiko vei iko, na gauna ena mai cava kina kei na ivakatagedegede e tiko kina mo muria.

Ke o gadreva eso na veivuke mo raica kina na VEVO, o rawa ni qirita na Department of Home Affairs ena 131 881.

Website: immi.homeaffairs.gov.au/visas/already-have-a-visa/check-visa-details-and-conditions/overview

O rawa ni raica vakarawarawa na itukutuku me baleti iko?

E tiko na nomu pasipote? O rawa ni veitaratara kei na mata ni nomu matanitu ke o gadreva na veivuke. Ena rawa ni keitou kerea vei iko eso na tale na itukutuku ena vuku ni ivolakerekere ni visa.

Website: protocol.dfat.gov.au/Public/MissionsInAustralia

E tiko na nomu ImmiAccount?

E bibi mo vakalewena e dua nomu [ImmiAccount](#) mo rawa ni veitaratara kei na Tabana e qarava nomu ivolakerekere ni visa. Ke tiko vei iko na visa ni vakawati o rawa ni bokoca na visa eso era se bera ni vakadonui mai na ImmiAccount tale eso. Me rawa qo, ena vinakati mo vakayacora na rua na ka qo:

- Vakalewena e dua tale nomu ImmiAccount
- Mo kerea me boko laivi na nomu ivolakerekere mai na isoqosoqo e vakacuruma na kemu itukutuku se nona akaude ni ImmiAccount na nomu sponsor se o koya e vakacurumi iko mai, qai tokitaka na nomu ivolakerekere ina nomu akaude vou ena nomu vakalewena vakaoti na Fomu ni Veitokoni ni Veika e Vauca na ImmiAccount ena initaneti.

Mo na veisautaka tale ga na nomu vosa vuni se password.

Website: online.immi.gov.au

O sa vakavoutaka beka na kemu itukutuku vei keitou?

E bibi me soli vei keitou na nomu naba ni talevoni vou kei na vanua o vakaitikotiko kina se Katonimeli.

O rawa ni vakavoutaka na kemu itukutuku ena ImmiAccount se vakatakila mai vei keitou ni o sa vakalewena na fomu ni veisautaki ni itukutuku ni veitaratara/pasipote. Qo ena rawa kina me keitou veitaratara yani vei iko.

Website: immi.homeaffairs.gov.au/form-listing/forms/929.pdf

Na Positovesi e Ositerelia ena solia wale na Katonimeli vei ira era sotava na ivakarau kauakaua e vale me rauta ni 22 na vula. E kena inaki mo rawa ni veitaratara tiko ga mai kina qai vakadeitaka tale ga ni yaco yani vei iko na nomu meli.

Website: auspost.com.au/receiving/manage-your-mail/redirect-hold-mail/redirect-mail/free-mail-redirection-and-po-boxes

E dua e vukei iko tiko beka ena veika e vauca na nomu curuvana?

O na rawa ni vukei mo rawata na ivakasala e vauca na curuvana, me vukei iko ena vakaleweni ni visa ke gadrevi. E bibi dina vua na ivakalesilesi ni veivuke ni curuvana se ivakalesilesi ni veika vakalawa me dua sa rejisita vakamatani. E tiko na lisi ni ivakalesilesi era sa rejisita ena website ni Department of Home Affairs.

Website: immi.homeaffairs.gov.au/help-support/who-can-help-with-your-application/overview

Ke o gadreva na ivakasala e vauca na curuvana e tiko tale ga na veivuke sega ni saumi vei ira na kenadau ena veika vakalawa.

Website: familyviolencelaw.gov.au/

Mo nanuma mo qirita na 000 ke dua e mavoa vakaca se gadreva totolo na veivuke ni tabana ni bula, ke rivarivabitaki nona bula ni vakarevei, se ke o raica ni yaco e dua na ituvaki. Era nuitaki na Ovisa e Ositerelia. Na qiri e sega ni saumi.

O gadreva beka na veivuke mo kila na neitou itukutuku?

Na Translating and Interpreting Service (TIS National) e vakarautaki ira na daunivakadewa vei ira era sega ni kila na vosa vakaValagi. O rawa ni veitaratara kina ena 131 450.

Website: tisnational.gov.au/

O sa taqomaki tiko ena initaneti?

O rawa ni vakayagataka na lisi dikevi ni tataqomaki ena initaneti na eSafety Commissioner mo rawa ni kila kina na ikalawa mo muria mo taqomaki iko kina vakavinaka qai vakadeitaka ni o rawa ni vakayagataka tiko ga na iyaya vakalivaliva mo veitaratara tiko ga kina kei ira eso tale.

Website: esafety.gov.au/key-issues/domestic-family-violence/online-safety-planning/online-safety-checklist

O sa volatukutukutaka tiko na ka kece?

E vakasama vinaka mo vakavola na itukutuku ni veika e mai yaco ena kemudrau maliwa kei koya e vakayacora vei iko na itovo kaukaua se veivakarerei. E rawa ni vakayagataki qo me ivakadinadina ke o vinakata mo ripotetaka vei ratou na ovisa, mo taqomaki ena liga ni lawa, se mo kerea vakalawa mo qaravi ratou na luvemu.

Ni vakayacori na veivosaki bibi ena imeli kei na text ena talevoni e rawa ni o maroroya vinaka na veika kece e tukuni.

Mo nanuma mo taqomaka se maroroya vinaka na itukutuku qo me kua ni raica se vakarusa o koya e dau vakacacani iko.

E tarai iko beka na revurevu ni COVID-19?

E bibi mo kila tiko ni o rawa ni biubiu mai nomu vale se nomu icili mo drovaka kina na leqa se na vuku ni nomu rawa ni vakamavoataki ena ivalavala kaukaua ke tiko mada ga na vakatatabu ni COVID-19. Mo raica na website ni Matanitu ni tikina/yasana o tiko kina mo kila eso tale na itukutuku.

Website: australia.gov.au/states

Ke o cakacaka tiko, o sa kila na nomu dodonu?

O kila tiko ni volai tu ena Fair Work Act vei ira na itaukei ni cakacaka mera vakatara mera livi sega ni saumi o ira era vakacacani se vakayacori vei ira na ivalavala kaukaua mai vale qai rawa tale ga nira kerea me veiveisau nodra siga ni cakacaka? Raica na Fair Work Ombudsman website mo kila eso tale na itukutuku.

Website: fairwork.gov.au/leave/family-and-domestic-violence-leave

Ke o gadreva beka na veivuke ena kena saumi kei na vakau ni nomu ivakacavacava, e sa tiko na veitokoni ni Valenivolavola ni iVakacavacava e Ositerelia.

Website: ato.gov.au/General/Support-in-difficult-times/Personal-crisis-support/#Familyanddomesticviolence

O gadreva beka na veivuke ena nomu veika vakailavo?

O ira na daunivakasala ena veika vakailavo era sega ni saumi, sega ni lewai vua e dua ena ka era vakatulewataka qai vauci ena nodra veiqaravi na kena maroroi na kemu itukutuku, era tu vakarau tale ga mera tokoni iko qai veivosakitaka na sala eso mo walia kina na dinau.

Mo veivosaki kei na dua na daunivakasala ena veika vakailavo, qirita na Talevoni ni veivuke ni Matanitu ena Dinau na 1800 007 007. Na laini ni veivuke qo e dola mai na 9:30 ena mataka ina 4:30 ena yakavi ni Moniti ina Vakaraubuka. E levu tale ga na ivukevuke e vakarautaki ena initaneti ena website ni National Debt Helpline.

Website: ndh.org.au/

Ke o dua na gonevuli, o bau kila na veitokoni eso e vakarautaki?

O ira na tabana ni veivakavulici e Ositerelia era kilai nira dau vakarautaka na ivakarau ni vuli e veicigomi, e rawarawa qai veitokoni vei ira na gonevuli mai vanuatani.

E tiko e vica na veiqaravi vei ira na kenadau e rawa ni tokoni iko.

Website: studyaustralia.gov.au/english/live/support-services

O kila na vanua o rawa ni raica kina na itukutuku ena veitokoni tale eso e vakarautaki?

E tiko e levu na veitokoni me baleti ira na sotava na ivalavala kaukaua e vale e veivuke kina na matanitu ena tikina se iwase ni vanua o tiko kina.

E vakarautaki na National Sexual Assault, Domestic and Family Violence Counselling Service naveivuke ni qiri e sega ni saumi kei na veivakasalataki ena initaneti. Qirita na 1800 737 732.

Na tabana ni Red Cross e Ositerelia e rawa ni vakarautaka na veitokoni vakailavo vei ira na yacova na kena ivakatagedegede era vakaivolatara ni tiko vakalekaleka ke tarai ira tiko na dredre ni bula vakailavo. Rai ena Family and Domestic Violence Financial Assistance Program mo kila eso tale na

itukutuku. Eratou na rairai vagolei iko ina veivuke vakalawa se veitokoni ni tabana ni curuvana, ke gadrevi.

Website: redcross.org.au/get-help/help-for-migrants-in-transition/family-and-domestic-violence-financial-assistance

Ni o raica na ivakatakilakila ni daunivakadewa o rawa ni kere veivuke mo veivosaki ga ena vosa e rawarawa vei iko.

